

Kerel leske duy bornikes mange. Lyas o raklo e but pares, gelo peske. Ko treto diyas gelo, chhityas, ikyardas trine machhen. Dikhel les.

– Balakchi, biknes e machhen?

– Biknav.

– Anav de e trinta.

– A, ekh ka ikengerav me dayake. Te lesa, le e duy.

– E lachhes, dema e duy.

Kerel leske trin bornika mange. Phenel leske:

– Shun mande, me na siyom te machhenge.

O rakloro dyunaya bilbilim, shuk.

– Me ka lav pares, dav tut. Ka dzhas te uryaves tut. Ka kines tuke thagaraske sheya. Thaar isi ekh praznikos me dadeske. Trine derzhavendar ka aven, trin thagara ka mangen ma, bori te len ma. I mo dat ka thovel lentsa basi. Kon ka anel o nay-baro bakshishi, ov ka lel man. Mangava thaara tu te aves sabaylen i ka chektines lentsa. Ako tu anesa po-baro bakshishi me dadeske, tu ka les man.

– Ami, lachhes.

Chektin o raklo, gelo peske, halyas duy bukes maro. Gelo o raklo, kindyas peske ekh thagareskeri forma. Kay uravdyas pes o raklo, thovdyas o kalwchi upral peste, mozhe li te phenen, che si romano. Nashti phenen. Thagaraskoro raklo achhilo. Kay dikhlyas les i rakli nashti te sovel derdeme. Sabaylen bisminlyahi, chektin.

– Selyam be, devle baba!

– Aleyki selyam, evlyat! So manges?

– Mi meya alyom te raklyake.

– Lachhes, evlyadin. Ka achhyos te khiden pes. Trine derzhaventsa isi trin thagara. Ka aven lengere mursha, ka aven pe dadentsa kate. Kon ka anel mange o baro bakshishi, leske ka dav la. Katalaro-kapalaro i raklya leske.

*Bisminlyahi, avile chektn te roden bakshishi. Chektin e shtar zaedno gele dzhi khay. Gele, gele dzhi khay gele, delisayle.*

Akana te dikhas amare chhaves. Les te ratyol. Bez te mangel o raklo kate ka del pes te soel, soel pe ekhe limoryate. Tamah edin-dva chasa i rat, avel leske ande suno.

– Shun mande, tu chektin te rodes dori bakshishi te ingyares o thagareske. Ama, shun shukar. Dzhi pash tute mulo ekh dzhukel, ka khides leskere kokala. O dzhukel kirnilo, ka phabares leskere kokala leskere. Ka mares, ka mares, ka keres len prahoste. O thagar astardyas but strashno ger, chhyordyol. Dyunaya na muklyas. Sare doktora chhindyas, chhityas